

## REGLUR

73

13. maí

## um úthlutun lána á vegum húsnæðismálastjórnar.

## 1. gr.

Umsækjendur, sem svo er ástatt um, er segir í stafliðum a til h hér á eftir, skulu hafa forgangsrétt til lána:

- a. Búa í heilsuspillandi húsnæði eða eiga við heilsuleysi að stríða, enda fylgi umsókn þar að lútandi vottorð héraðslæknis eða borgarlæknis.
- b. Búa við lakastar húsnæðisástæður eða eru húsnæðislausir.
- c. Flesta ómaga hafa á framfæri sínu eða búa við sérstaklega erfið leigukjör.
- d. Lengst hafa beðið afgreiðslu með fokheldar íbúðir og fullgildar umsóknir.
- e. Geta fært sönnur á, að dómi húsnæðismálastjórnar, að þeir geti ekki komið íbúðinni í nothæft ástand án umbeðins láns eða haldið henni vegna óhagkvæmra bráðabirgðalána.
- f. Hafa fengið ófullnægjandi byrjunarlán, áður en reglur þessar tóku gildi.
- g. Njóta forgangs samkvæmt 9. og 10. gr. laga nr. 42/1957.
- h. Byggi íbúðir, sem eigi séu stærri en 360<sup>3</sup>, enda fullnægi íbúðarstærðin þörfum viðkomandi fjölskyldu að dómi húsnæðismálastjórnar.

## 2. gr.

Á meðan eftirspurn eftir lánum hjá húsnæðismálastjórn er ekki fullnægt, skulu umsækjendur sem svo er ástatt um, sem lýst er í stafliðum a til d hér á eftir, eigi fá lán:

- a. Eiga eða hafa átt s. l. 2 ár, nothæfa og fullnægjandi íbúð.
- b. Byggja stærri íbúð en 360<sup>3</sup>, nema fjölskylda umsækjanda sé 6 manns eða fleiri.
- c. Byggja fleira en eina íbúð. Heimilt er þó að taka tillit til skipulagsskvaða.
- d. Hafa góða láns möguleika annars staðar eða næg fjárráð, að dómi húsnæðismálastjórnar, svo að þeir geti komið íbúð sinni í nothæft ástand án frekari lána.

Reglur þessar, sem húsnæðismálastjórn hefur samþykkt samkvæmt 8. gr. reglugerðar nr. 69 11. maí 1960 um úthlutun húsnæðismálastjórnar á íbúðarlánnum, staðfestist hér með til þess að öðlast þegar gildi og birtist til eftirbreytni öllum, sem hlut eiga að máli.

*Í félagsmálaráðuneytinu, 13. maí 1960.*

**Emil Jónsson.**

*Hjálmar Vilhjálmsson.*

## REGLUGERÐ

74

14. maí

## um barnavernd í Borgarneskaupúni.

## 1. gr.

Í umdæmi barnaverndarnefndar Borgarness er bannað að selja eða afhenda börnum eða unglíngum innan 16 ára aldurs tóbak, hverju nafni sem nefnist, gefa þeim það eða láta þeim það í té með öðrum hætti, eða stuðla að því, að þau neyti þessa eða hafi það með höndum.

B 23

Endurprentað blað.

74

14. maí

2. gr.

Leiksfýningar og myndir, sem ætlað er til að börnum og unglingum innan 16 ára aldurs sé seldur aðgangur að, skulu áður sýndar barnaverndarnefndinni, eða þeim, sem hún felur að dæma um þær. Getur nefndin, ef henni þykir ástæða til, bannað að börn og unglingar fái aðgang að þeim. Um aðrar opinberar skemmtanir gildi hið sama, að barnaverndarnefnd skal tilkynnt hvað þar á að fara fram og ræður hún þá, hvort börnum innan 14 ára aldurs skuli leyfður aðgangur eða ekki.

3. gr.

Börn yngri en 12 ára, mega ekki vera á almannaferi seinna en kl. 20 á tímabilinu frá 1. okt. til 1. maí og ekki seinna en kl. 22 frá 1. maí til 1. okt., nema í fylgd með fullorðnum. Börn frá 12—14 ára mega ekki vera á almannaferi seinna en kl. 23 frá 1. maí til 1. okt., nema í fylgd með fullorðnum. Börn innan 14 ára aldurs mega aldrei dvelja lengur en til miðnættis á dansleikjum eða opinberum skemmtunum, nema með sérstöku leyfi barnaverndarnefndar. Á öllum slíkum samkomum ber börnum að vera í fylgd með fullorðnum, sbr. það sem að ofan greinir. Börn frá 14—16 ára mega ekki vera á almannaferi eftir kl. 23 á tímabilinu frá 1. okt. til 1. maí, nema í fylgd með fullorðnum. Foreldrum eða húsbændum barnanna ber, að viðlögðum sektum að sjá um, að ákvæðum þessum sé framfylgt.

4. gr.

Brot gegn reglugerð þessari varða viðurlögum sem brot gegn barnaverndarlögum nr. 29/1947. Skal farið með mál vegna þeirra brota eins og segir um slík mál í barnaverndarlögum.

5. gr.

Reglugerð þessi, sem sett er samkv. heimild í lögum nr. 29/1947, öðlast þegar gildi og fellur jafnframt úr gildi reglugerð um barnavernd í Borgarneskaupúni frá 5. nóv. 1940.

*Í menntamálaráðuneytinu, 14. maí 1960.*

F. h. r.

Birgir Thorlacius.

Ásgeir Pétursson.

75

16. maí

Staðfesting forsetans á skipulagsskrá fyrir Minningarsjóð Björgheiðar Gísladóttur, Skógargerði, útgefin á venjulegan hátt að mandatum af dómsmálaráðherra 16. maí 1960.

Skipulagsskráin er þannig:

## SKIPULAGSSKRÁ

fyrir minningarsjóð Björgheiðar Gísladóttur, Skógargerði.

1. gr.

Sjóðurinn heitir Minningarsjóður Björgheiðar Gísladóttur, Skógargerði.

2. gr.

Sjóðurinn er stofnaður af systkinum og foreldrum Björgheiðar, Gísla Helgasyni, bónda, og Dagnýju Pálsadóttur, á 50 ára hjúskaparafmæli þeirra 3. nóv. 1958 og aukinn með tillögum sveitunga og vina.